



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

Caput 7. De Verbis novis.

[urn:nbn:de:hbz:466:1-68908](#)

CAPUT VII.

De Verbis novis.

Ut novitate rerum in vestitu, cibo, aliisq;
delectantur homines levissimi, sic & verbo-
rum. Ita Dionysius Tyrannus non conten-
tus communi vocabulo, virginem, expecta-
tivaram; columnam, validipotentem dice-
bat, quod hæc valida perduret, illa virum ex-
pectet. Murium verè Latibula, mysteria ap-
pellabat. Nec senioris judicii Alexarchus
qui inter alia verborum genima, gallum
manicinem vocabat, quod manè caneret. Ir-
repit hæc licentia in nostram quoq; ætatem,
quā sinè numero propè infelix verborū loli-
um suscrevit: ut sunt, bibale, gratiale, hono-
rarium, posta, arrestum indicere, voisare, stul-
tizare, gallizare, caluppare, compagnia, regi-
men pro legione, sacristia, facellanus, ca-
pacium, capucinus, calepodia, quadratus,
altista, trombonista, componista, braze-
ta, fagotum, viola gamba, tocca, nonna
pro moniali, robota, taxa &c. ut taceam, quæ
apud Philosophos, Medicos, Juristas, Theo-
logos quotidiana sunt, entia & entitates,
quæ passim excusat necessitas, & locutionis
proprietas. Cæterum hæc Oratori remis, ve-
lisque sunt fugienda, ut pote euiloquendum
cum Tullio, & alijs Romanæ linguae cultori-
bus,

bus, de quibus Mafen. in Palæst. Styli l.l. c. 6.
Quia tamen progressu temporis res nova
inventæ sunt, quarum notitiam cum lingua
latinæ Principes non habuerint, ut nomina
inderent, acceptanda sunt nova nomina ut:
typographia, tabacum, cerevisia, czoculata,
lyripium, bombarda, sclopus &c. idque in
rebus sacris, quam maximè ut: incarnatio,
passio, assumption, Trinitas, baptismus, missa
offertorium, Papa &c. Nam & Romanorum
florente lingua, nova aliqua efficta sunt, &
si iudicem hoc vixissent tempore, alia additum
fuissent. Vide P. Mafen. in Palæst. Styli l.l. c.
10. §. 5. ex P. Edm. Campiano. Tempore Ci-
ceronis, novæ voces erant favor & urbanus,
declamare primus dixit Cicero, obsequium
Terentius. materia non adeò usitatum aetate
Tullii, uti nec materiatus: piissimum autem
proflus inauditum. Fabricæ, musicæ, agriculturæ
nomina, à suis inventoribus inchoata.
Messala primus dixit reatum, Augustus mu-
nerarium. Armilistrium pro diribitorio, sicut
& armistitium jam recepta videntur. Potest
tamen evitari omnis in fingendis novis ne-
cessitas, si circumlocutione seu periphrasi ut-
tamur: ut si Calvinistam, aut Lutheranum vo-
ces, Calvini aut Lutheri sobolem, aut asse-
clam. Capucinum S. Francisci è tertio ordine
lectatorem. Papam, Christi in terris Vicari-
um, aut summum divinorum Præsulem. Vo-
fare, in tertia persona, aut plurali numero
honoris causâ aliquæ compellare &c. Quod
si tamen vulgari nomine rē explicare libeat,

Idipsum addi potest ad præmuniendas Audi-
toris aures, v.g. Religiosi, quos vulgus de ca-
pucio nominat. Clericus, quem à facelli vel
Capellæ ministerio vulgus indigitat. Ut cum
Philosophis loquar essentiam, ut à Jurisperi-
torum formulis non recedam, intabulatum
est, protocollatum est, dicam Græcè, quò me-
liùs dicam, anthropophagi, antipodes, &c.
*Porrò si nova fingenda sunt, fieri id potest uno ex
quatuor modis.*

*Primus est ad similitudinem vocabuli jam
recepti, sicut natum est syllaturit, id est, syl-
lam desiderat, ad similitudinem cœnaturit;*
sic nupturio, empturio, equizo ad similitudi-
nem agazo, galizo ad similitudinem patrizo.
*Sic lessito ad similitudinem mussito &c. ad si-
militudinem virescere, natum est crassescere,
ditescere, ad similitudinem laureatus, num-
matus, barbatus, pileatus, ocreatus, larvatus,
personatus; correspondentia ad similitudi-
nem audientia, quod habet Cicero,*

*Secundus est ad imitationem, quando sci-
licet vox nova formatur non ad similitudi-
nem alterius vocis (hoc eniin habet primus
modus) sed ipsius rei, quam significat; unde
huc spectant metaphoræ, quæ necessitatis
causâ fiunt, sic vestis sacerdotalis dicitur al-
ba, iris, arcus cœlestis, instrumentum musi-
cum, tuba marina, tormentum, fistula ænea,
propter similitudinem unius rei cum alte-
ra, sic aurum streperum, cœlestis color, &c.
Quanquam hæc vocabula non tam nova,
sunt, quam potius res ipsa, unde solùm aliam
significationem ad priorem acceperunt.*

Po₂

Potissimum igitur ad hunc modum referuntur onomatopæz, id est, voces quæ de novo singuntur ad similitudinem soni, quem res habet, ut sunt bombarda, bombus, coaxare, boare, sibilus, de quibus in onomatopæz pluribus.

Tertius modus fit inflexione, id est, derivatione unius vocis ab altera usitata v.g. Deus trinus, in personis, à voce tres, Trinitas, à voce trinus. Incarnatus à carne; Dominica, à Domino; Quadragesima à quadraginta; quadratus à quatuor; Nativitas à natus; passio à pati; humerale ab humero, manipulus à manu &c.

Quartus modus est adjunctione. Id est, compositione, quando scilicet duo usitata vocabula conjunguntur, & componuntur in unum, ut pyrobolus, multiloquium, cerevia, podagra, chiragra, typographus, tergiversari, collipendium, saxifragum, lucifuga, Noxilegus, duellum, funambulo, muscipula, paniperda, ceroplasta, iconoplasta, Leopolis, Neapolis. Sic incurvi cervicum pecus est apud Lucianum, sed durius effectum: quod oratori non permititur, né aures offendat. Quod si tamen rem se melius expressurum existimet, præmoneat auditorem, asperitatemque molliat petitâ veniâ. Poëticis tamen abstinendum, ut sunt mare velivolum, nigerum, terrificum, fluctivagum, multijugum, bellipotens. &c.

CA.